



BROJ: T01 0 KTO 0045737 25

Dana, 09.01.2025.godine

PRITVOR-HITNO

**KANTONALNOM SUDU
B I H A Ć
-Sudiji za prethodno saslušanje-**

Na osnovu člana 45. stav 2. tačka i) i člana 241 stav 1. Zakona o krivičnom postupku FBiH,
p o d i ž e m:

O P T U Ź N I C U

PROTIV :

- 1. SAMARDŽIĆ ASIM**
- 2. HAMIDOVIĆ NERMIN**
- 3. SAMARDŽIĆ SENAD**

ŠTO SU

Od početka 2024.godine pa do 15.8.2024.godine na području općine Rudo i grada Bihaća, radi sticanja protivpravne imovinske koristi, iako su proizvodnja i promet opojne droge zabranjeni osim pod uslovima i sa ciljem propisanim zakonom, Samardžić Asim svjestan da organizira grupu ljudi radi činjenja krivičnog djela Neovlaštena proizvodnja i promet opojnih droga iz člana 238. stav 1. KZ FBiH, te htijući to, organizirao grupu ljudi koju su pored njega činili Hamidović Nermin, Samardžić Senad, [REDACTED] (*nedostupan organima gonjenja*) i još najmanje jedno NN lice, a koji su bili svjesni da djeluju kao članovi grupe formirane radi činjenja tog krivičnog djela, što su i htjeli, pa su tako svjesni da je neovlaštena proizvodnja, držanje radi prodaje i promet opojne droge zabranjen i to opojne droge Cannabis koja u sebi sadrži psihoaktivnu supstancu tetrahidrokanabinol (THC), a koje se nalaze na Popisu opojnih droga, psihotropnih tvari i biljaka iz kojih se može dobiti opojna droga i prekursor, Zakona o spriječavanju i suzbijanju zloupotrebe opojnih droga i podliježu nadzoru po međunarodnim konvencijama o kontroli opojnih droga koje je BiH potpisala, te htijući to postupili suprotno odredbi člana 4. Zakona o sprečavanju i suzbijanju zloupotrebe opojnih droga ("Službeni glasnik BiH" broj 8/06, 103/08, 51/11) na način da je po postignutom dogovoru organizatora sa članovima grupe o neovlaštenom uzgoju i prodaji uzgojene opojne droge Cannabis, Samardžić Asim kao organizator grupe u mjestu Trbosilje, općina Rudo pronašao i zakupio zapušteno i zabačeno zemljište sa vikendicom od lica J. D., na koje su potom po njegovim uputama i na njegov poziv, stigli i pomenuti članovi grupe, koji su zajedno sa njim očistili i zagradili to zemljište zaštitnom ogradom, unutar kojeg su napravili platenik koji je služio kao rasadnik, te su pripremili i opremili to zemljište opremom i sredstvima potrebnim za uzgoj opojne droge Cannabis, sa kojim uzgojem su i započeli, da bi tačno neutvrđenog dana početkom mjeseca aprila 2024.godine, poslije dolaska D. rođaka na pomenutu lokaciju, bojeći se da su otkriveni u bavljenju ovom neovlaštenom djelatnošću, po dogovoru organizatora sa članovima grupe svu opremu i sredstva namijenjena ovoj djelatnosti, uključujući razne alatke i mašine- krampe, lopate, trimere, pile, agregat za struju, crijeva za navodnjavanje,

vreće sa zemljom, pvc burad te iznikle stabljike opojne droge Cannabisa, koje su do tada uzgajali u pomenutom plasteniku, nakon angažovanja lica B. L. od organizatora grupe za prevoz sa pomenute lokacije do U. te za dalji prevoz angažovanja njima poznatog lica kao prevoznika i uz korištenje p.mv. VW Transporter, plave boje, registarskih oznaka (..) koji su imali u svom posjedu, premjestili u naselje Teočak na područje grada Bihać, dok su ostale tragove na toj lokaciji pomenuti članovi grupe po uputama organizatora uništili, a koju lokaciju u naselju Teočak je pronašao član grupe Hamidović Nermin preko svoga poznanika T. A., od kojeg su uzeli u zakup zemljište vlasništvo A. majke B. B. zajedno sa pratećim devastiranim objektom-kućom, pa su ponovno na toj lokaciji, udaljenoj od Bihaća oko 30 km, do koje se dolazi makadamskim putem dugim preko 2 km sa magistralnog puta M5 Bihać-Bosanski Petrovac, članovi grupe Hamidović Nermin, Samardžić Senad i član grupe imena [REDACTED], zajedno sa Samardžić Asimom kao organizatorom grupe i po njegovim uputama, dio tog zemljišta veličine 131x26 metara ogradili visokom drvenom ogradom obloženom zelenim platnom, unutar koje su napravili plastenik dimenzija 20 x5 metara koji je služio kao rasadnik i drvenu konstrukciju pokrivenu crnim pvc najlonom, dimenzija 21x4,5 metara predviđenu za sušenje biljaka, dok su na većem dijelu tog ograđenog zemljišta postavili crijeva za navodnjavanje te isto pripremili i uredili za uzgoj opojne droga Cannabisa, nakon čega su, stabljike opojne droge Cannabis koje su prethodno uzgajali u plasteniku, u pvc saksijama, kada su iznikle do potrebne visine, prenosili, sadili i obrađivali na tom zemljištu tako što su iste uredno zalijevali i okopavali na koji način su neovlašteno proizveli zasade sa velikim brojem stabiljka ove opojne droge, i to prvi zasad dimenzija 55x25 m sa ukupno 2430 komada stabljika opojne droge Cannabis, izrasle u visinu od 30 do 70 cm, zatim drugi zasad dimenzija 46x25 metara sa ukupno 209 komada stabljika opojne droge Cannabis izrasle u visinu od 50 do 150 cm, te jedan red zasada sa 43 komada stabljika opojne droge Cannabis, izrasle u visinu od 180 do 200 cm, na kojem zemljištu su još pored navedenih stabljika, u pvc saksijama crne boje uzgajali 20 komada stabljika ove opojne droge visine od 13 do 80 cm, dok su istovremeno u plasteniku koji je služio kao rasadnik zasadili i uzgajali 272 stabljike opojne droge Cannabis, izrasle u visinu od 15 do 60 cm, za koje vrijeme su boravili u pomenutom objektu-kući koja se nalazi neposredno uz ograđeno zemljište sa zasadima, sve to čineći u uslovima bez vode i struje, koristeći agregate i donoseći vodu sa izvora vode zv. „B.“ udaljenog oko 9 km, da bi dana 15.08.2024.godine pomenuti zasadi bili pronađeni od pripadnika Uprave policije, Sektor kriminalističke policije, kojom prilikom je na ovoj lokaciji, pored navedenog pronađena i određena količina već osušene i usitnjene opojne droge Cannabisa, ukupne neto mase 64,515 grama upakovane u dvije PVC vrećice i PVC kutiju, te ručno sačinjenu cigaretu „džoint“, zatim pvc saksija sa zasadom opojne droge Cannabis visine 41 cm, dio stabljike ove opojne droge visine 50 cm, dvije digitalne vage za precizno mjerenje, metalna drobilica sa tragovima ove opojne droge, 4 radio uređaja marke AOFENG i 4 punjača, 3 ledne prskalice za vodu, 3 motorne pile, aparat za varanje, 2 trimera, aparat za bušenja rupa u zemlji, motorna pumpa za vodu sa pripadajućim crijevom, 75 komada crijeva sistema za navodnjavanje namotanih u bunteve, pumpa hidropak sa crijevom, dva agregata, 3025 pvc saksija, 4 pvc bureta za vodu sa poklopcem, zajedno sa drugom opremom i sredstvima korištenim za uzgaj i obrađivanje ovih zasada te novcem u aponeima 2x100,00 KM, 1x50,00 KM, 4x20,00 KM i 2x10,00 KM, a Cannabis i tetrahidrokanabinol (THC) su pod rednim brojem 13 Liste opojnih droga i rednim brojem 26 Liste psihotropnih tvari iz Tablice I – Zabranjene tvari i biljke, proglašene kao takve.

Dakle, Samardžić Asim organizovao grupu ljudi u cilju učinjenja krivičnog djela Neovlaštena proizvodnja i stavljanje u promet opojnih droga iz člana 238. stav 1. KZ FBiH, te proizvodio i držao radi prodaje opojnu drogu, a **Hamidović Nermin i Samardžić Senad** postali članovi organizirane grupe formirane u cilju učinjenja krivičnog djela Neovlaštena proizvodnja i promet opojnih droga iz člana 238. stav 1. KZ FBiH, te proizvodili i držali radi prodaje opojnu drogu.

Čime bi :

Samardžić Asim počinio krivično djelo Neovlaštena proizvodnja i stavljanje u promet opojnih droga iz člana 238. stav 2. KZ FBiH u sticaju sa krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ FBiH, a sve u vezi sa članom 54.KZ FBiH.

Hamidović Nermin počinio krivično djelo Neovlaštena proizvodnja i stavljanje u promet opojnih droga iz člana 238. stav 2. KZ FBiH u sticaju sa krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ FBiH, a sve u vezi sa članom 54.KZ FBiH.

Samardžić Senad počinio krivično djelo Neovlaštena proizvodnja i stavljanje u promet opojnih droga iz člana 238. stav 2. KZ FBiH u sticaju sa krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ FBiH, a sve u vezi sa članom 54.KZ FBiH.

**Prijedlog dokaza optužbe
koje treba izvesti**

- 1. Da se ispituju vještaci:**
- 2. Da se ispituju svjedoci:**
- 3. Da se pročita/izvrši uvid:**
- 4. Da se pregleda:**
- 5. Da se presluša:**

Predlažem da naslovni sud u smislu odredbe člana 5. Zakona o sprječavanju i suzbijanju zloupotrebe opojnih droga i članom 238. stav 4. KZ FBiH od optuženih Samardžić Asima, Hamidović Senada i Samardžić Senada oduzme ostatak vještačene materije-opojne droge i to: 2430 stabljike opojne droge Cannabis visine od 30 do 70 cm, 43 stabljike opojne droge Cannabis visine od 180 do 200 cm, 209 stabljika opojne droge Cannabis visine od 50 do 150 cm, 272 stabljike opojne droge Cannabis visine od 15 do 60 cm, 20 stabljika opojne droge Cannabis visine od 13 do 80 cm, crna pvc saksija sa stabljikom opojne droge Cannabis dužine 41 cm, jedna stabljika-dio stabiljke opojne droge Cannabis dužine 50 cm (izuzete kroz zapisnik o uvidaju broj: Uprave policije SKP-a broj: 05-04/03-3-895/24 od 16.08.2024. godine) te od optuženog Hamidović Nermina ostatak vještačene materije – opojna droga Cannabis ukupne neto mase 64,315 grama, (izuzete pretresom uz izdavanje potvrde o privremenom oduzimanju broj:05-04/03-3-154 od 15.08.2024.godine) a koja opojna droga se po pravosnažnosti presude ima uništiti.

U smislu odredbe člana 71. stav 1. tačke e), a u vezi sa članom 78. stav 1. predlažem da naslovni sud optuženima Samardžić Asimu, Hamidović Nerminu, Samardžić Senadu izrekne mjeru sigurnosti - oduzimanja predmeta i to:

kao predmeta upotrijebljenih i namijenjenih za učinjenje krivičnog djela.

U smislu odredbe člana 71. stav 1. tačke e), a u vezi sa članom 78. stav 1. predlažem da naslovni sud optuženom Samardžić Asimu izrekne mjeru sigurnosti - oduzimanja predmeta i to:

kao predmeta upotrijebljenih i namijenjenih za učinjenje krivičnog djela.

U smislu odredbe člana 71. stav 1. tačke e), a u vezi sa članom 78. stav 1. predlažem da naslovni sud optuženom Samardžić Senadu izrekne mjeru sigurnosti - oduzimanja predmeta i to:

kao predmeta upotrijebljenih i namijenjenih za učinjenje krivičnog djela.

U smislu odredbe člana 71. stav 1. tačke e), a u vezi sa članom 78. stav 1. predlažem da naslovni sud optuženom Hamidović Nerminu izrekne mjeru sigurnosti - oduzimanja predmeta i to:

kao predmeta upotrijebljenih i namijenjenih za učinjenje krivičnog djela.

Također predlažem da se u smislu odredbi člana 114. stav 1. i 2. i člana 115. stav 1. KZ FBiH od osumnjičenog Hamidović Nermina na ime imovinske koristi pribavljene krivičnim djelom oduzme novac u apoenima od 2x100,00 KM; 1x50,00 KM, 4x20,00 KM 2x10,00 KM, koji se ima uplatiti na račun budžeta FBiH (*privremeno oduzet pretresom uz potvrdu o privremeno oduzimanju predmeta broj:05-04/03-3-154 od 15.08.2024.godine*).

REZULTAT ISTRAGE

DOKAZI KOJI POTKREPLJUJU NAVODE OPTUŽNICI:

Na osnovu člana 151. stav 1. i 2. Zakona o krivičnom postupku Federacije Bosne i Hercegovine, stavljam sljedeći:

PRIJEDLOG ZA PRODUŽENJE PRITVORA

Da se osumnjičenima Samardžić Asimu, Hamidović Nerminu i Samardžić Senadu, nakon potvrđivanja optužnice **produži mjera pritvora** na osnovu člana 151. ZKP-a, a iz razloga propisanih u članu 146. stav 1. tačka c.) ZKP FBiH tako da dispozicija rješenja o produženju pritvora sadrži decidno određenje Suda **da se pritvor prema optuženima produžava nakon potvrđivanja optužnice i da po tom rješenju može trajati najduže 2(dvije) godine** (za krivična djela iz optužnice za koja se po Zakonu može izreći kazna zatvora preko deset godina, ali ne i kazna dugotrajnog zatvora)

s tim da će Sud kontrolu opravdanosti pritvora vršiti po isteku svaka dva mjeseca od dana donošenja posljednjeg rješenja o pritvoru.

RAZLOZI KOJI SE VEZUJU ZA PRIJEDLOG DA PREMA OSUMNJIČENIMA BUDE PRODUŽENA MJERA PRITVORA SU SLJEDEĆI:

Tužilaštvo također smatra da je u konkretnom slučaju, pored općeg uvjeta za produženje mjere pritvora, u odnosu na osumnjičene Samardžić Asima, Hamidović Nermina i Samardžić Senada ispunjen i posebni uslovi za produženje pritvora iz člana 146. stav 1. tačka c) ZKP-a FBiH.

KANTONALNA TUŽITELJICA